



Broj: 04-44-1-3/19
Sarajevo, 09.05.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 08.05.2019. do 07:00 sati 09.05.2019. godine

U izvještajnom periodu Kantonalni operativni centar civilne zaštite Kantona Sarajevo primio je dvije informacije o pronalasku NUS-a i to:

- dana, 08.05.2019. godine u 09:45 sati, od Operativnog centra civilne zaštite općine Vogošća, da je u naselju Uglješići općina Vogošća, pronađen jedan nepoznat NUS.
- dana, 08.05.2019. godine u 11:15 sati, od Operativnog centra CZ općine Hadžići, da je naselju Tarčin, općina Hadžići, pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji su navedena neeksplozirana ubojna sredstva preuzeli u toku jučerašnjeg dana.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su sedam manjih intervencija i to: dvije na obezbjeđenju sportskih događaja, jedna na obezbjeđenju pretakanja goriva na Međunarodnom aerodromu Sarajevo, jedna tehnička (saobraćajni udes), jedna u stanu (osjeti se plin), jedna na gašenju zapaljenog kontejnera, i jednana gašenju kokošinjca.



JU Zavod za javno zdravstvo Kantona Sarajevo: U periodu od 22.04. do 28.04.2019. godine, na području Kantona Sarajevo ukupno je prijavljeno 91 slučajeva zaraznih bolesti obaveznih prijavi, od toga: 4 angina streptoc. (streptokokna angina), 1 Encephalitis, 8 enterocolitis ac. (enterokolitis), 7 herpes zoster (šindre), 1 HVC, 58 Morbili, 3 nosocomial infections (bolničke infekcije), 1 Parotitis epid, 3 scabies (svrab, šuga), 4 scarlatina, 1 Tbc.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 8°C, vlažnost zraka 77%, barometarski pritisak 936,3 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu. Povodom obilježavanja Dana sjećanja na ubijenu djecu i Dana pobjede nad fašizmom, danas od 11:45 do 13 sati obustavit će se saobraćaj u ulici Maršala Tita (od raskrsnice sa ulicom Dalmatinska do raskrsnice sa ulicom Koševo).

Prema informacijama prikupljenih od dežurnog dispečera **KJKP GRAS**, zbog obilježavanja Dana sjećanja na ubijenu djecu Sarajeva i Dana pobjede nad fašizmom, danas od 11:45 sati do 13:00 sati doći do izmjena u odvijanju gradskog saobraćaja na linijama na kojima saobraća KJKP GRAS.

Tramvajske linije koje saobraćaju preko Baščaršije će saobraćati do Željezničke stanice.

Autobuske i minibuske linije koje redovno polaze sa stajališta „Dom Armije“ u navedenom vremenskom periodu će polaziti sa stajališta „Park“.

Komercijalna autobuska linija Vijećnica – Dobrinja u navedenom periodu će saobraćati od Dobrinje do Trga Austrije.



Prema informacijama prikupljenih od dežurnih dispečera i informativnih službi **Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1